

TEZAUUR LITURGIC
1 DECEMBRIE

ACATISTUL
SF. CUVIOS
FILARET
CEL MILOSTIV
DIN
PAFLAGONIA
II



MOSCOVA, 2000



Акафист

святому праведному

Филарету Милостивому

Кондак 1

Избранный милосердным Господом, отче Филарете, добродетельми украшенный, терпением Иову подражая, нищим сокровище богатства раздав, нетленно благих богатство на небесех прием и с лики праведных водворися, тем же ты почитаем священными песньми и благочестно вси славим зовуще:
Радуйся, милостиве Филарете, праведный угодниче Христов.

Икос 1

Ангелом небесным нравом подобен был еси на земли, отче Филарете, от младости пренебрегши земная богатства, на Небеси богатство собрал еси, ум в Небесная вперяя, слыша Всещедрого Бога глас: "Ищите же прежде Царствия Божия и правды Его, и сия вся приложатся вам" , тем же в ты вселися Пресвятой Дух, Его же ты обиталищем быти уведевши, со умилением взываем ти сице:

Радуйся, благочестивых родителей твоих
Георгия и Анны радость;
Радуйся, добродетельми и страхом Божиим
стяжавший святость.
Радуйся, всякую добродетель по имени своему
возлюбивый;
Радуйся, из источника веселия Небеснаго
жаждущия напоивый.
Радуйся, паче солнца житием твоим миру
возсиявый;
Радуйся, Бога всеконечно и ближняго, яко себе
самаго, возлюбивый.
Радуйся, от Писаний Священных наученный;
Радуйся, от Духа Свята благодатию осененный.
Радуйся, милостиве Филарете, праведный
угодниче Христов.

Кондак 2

Видящи тя Господь из млада, родителями
твоими, благочестивыми Георгием и Анною, в
любви к Богу наставленному, в страхе Божиим и
в строгом благочестии христианском
воспитаннаго, преисполни тя Духа Свята, Его
же Светом просветися и нам испроси у Христа
Бога да купно с тобою воспоим Ему: Аллилуия.

Икос 2

Разум божественный свыше от Христа Спаса
тебе дадеся и велие богатство зело умножено, но

вся земная и благая мира сего уметы вменивше,
и в непрестанном служении ближним со
щедростию и веселием раздавал еси в простоте,
Филарете Милостиве, от нас благодарне
взывание слышиши:

Радуйся, тя чтущия твоими молитвами спасаей;

Радуйся, яко твоим предстательством жизни
вечныя нас сподобляй.

Радуйся, Светом Христовым просвещенный;

Радуйся, премудростию Божией умудренный.

Радуйся, блаженне, добродетели в сердце своем
начертавый;

Радуйся, имя свое достойно приявый.

Радуйся, яко Божественного блаженства
праведно сподобился;

Радуйся, яко тобою Вышний на Небеси и на
земли славится.

Радуйся, милостиве Филарете, праведный
угодниче Христов.

Кондак 3

Сила милосердия Божия осени тя и подвиже
немощным и страждущим послужити
богатством твоим, щедро пособие раздав
нищим, дая всем помощь и утешение, никтоже
тощ отыде, но вси вопием с тобою милосердию
Божью: Аллилуия.

Икос 3

Имуще попечение неусыпное о несчастных и нищих, дал еси убогим, расточая богатство твое, милостиве Филарете, сего ради пребывает правда твоя, якоже Давид глаголет, не видевше праведника оставленнаго. Днесь убо всечестную память твою любовью празднующе, достойно чтим тя сице:

Радуйся, яко благодетельствами твоими Богу угодивый;

Радуйся, яко безмерным смирением всех удививый.

Радуйся, яко хлеб твой требующим расточивый щедро;

Радуйся, яко в деяниях своих обрел еси лестницу восхождения на Небо.

Радуйся, силою милостыни в Царство Небесное введомый с велиим дерзновением;

Радуйся, ближнему послуживый со всяким смирением.

Радуйся, от милосердия жаждущия напоющий;

Радуйся, от щедрости алчущия накормляющий.

Радуйся, милостиве Филарете, праведный угодниче Христов.

Кондак 4

Бурю злых напастей претерпел еси, милостиве Филарете, егда нападе на страну Пафлагонскую лютое воинство измаильтянское и разграби ю, и

опустоши ю, и пламенем выжже ю. Ты же, Иову в терпении подражая, радовался о лишении твоём, за бедность, яко прежде за богатство, благодаря Бога, вопиял Ему: Аллилуйя.

Икос 4

Слышаша премногую твою добродетель: яко новый Иов показуешься, не точию в изобилии праведен, но и в терпении непорочен. Внезапу бо, яко же он, всего имения лишився, ниже усты противу Господа согрешил еси, терпеливейший, сего ради глаголем ти сице:

Радуйся, отче Филарете, нищеты радостно приявый до зела смирение;

Радуйся, и в бедности скорый быв на раздавание и милование.

Радуйся, благочестно, во испытании упования на Господа не отложивый;

Радуйся, даже от своей семьи укору и обиды потерпевый.

Радуйся, яко Господа за вся славил и благодарил еси;

Радуйся, паче земнаго богатства Христа возлюбил еси.

Радуйся, терпящий лишения и уничижения во всем;

Радуйся, стяжавый мзду твою в терпении твоём.

Радуйся, милостиве Филарете, праведный угодниче Христов.

Кондак 5

Боготечную звезду ведим тя, праведне Филарете, ко Христу путь неприпенаемый нам показавый. Богатства лишение понеся, и последняя имения своя нищим раздая сам бо добро творяше и страждуще терпиши, сим же Богу угодив, ныне со ангелы ликуеши: Аллилуйя.

Икос 5

Видеша беднаго соседа скорбяща, отпряг от супруг вола своего, милостиве Филарете, и дал ему. От жены же своя Феозвы поношение, брань и упрекания потерпел еси кроток, благосострадательен, незлобиве. Иному пришедшему отдал хлеб свой и мед, иному одежду с себя совлека еси, сам в одежды нетленные на пир Царя Небеснаго облекся. Мы же ныне благодарственно славим тя сице:
Радуйся, всехвальне Филарете, внезапной бедности твоей возрадовавшийся;
Радуйся, блаженне Филарете, в бедности нечаянной не отчаявшийся.
Радуйся, богомудре Филарете, в добрых делех нас наставляющий;
Радуйся, щедродательне Филарете, и последнее свое раздающий.
Радуйся, досточудне Филарете, ближняго ради насущнаго хлеба себя лишаящий;
Радуйся, всеславне Филарете, сего ради Хлеб

Небесный вечно вкушающий.
Радуйся, Христоподражательне Филарете,
венцем терпения увенчанный;
Радуйся, всечестне Филарете, алчущия питаемый,
сам от Бога благодатию напитаанный.
Радуйся, милостиве Филарете, праведный
угодниче Христов.

Кондак 6

Проповедницы благовестия, Христовы апостоли,
радуются, зрящее смирение твое, отче Филарете,
ты бо видяще семью свою тайно от тебя трапезу
вкушающую, смиренно рек: Чада мои, примите
ми, не яко отца вашего, но яко странника и
гостя. Мы же, недостойнии, смирению твоему
скудно подражая, поем Богу нашему: Аллилуйя.

Икос 6

Возсиявый в земле Пафлагонской светильник
благочестия, достоублажаеме Филарете, и по
всей земли, Христа - Свет миру прославил еси
терпением и милостию, и в Господе мзду приял,
и попечение у Вышняго, и венец доброты от
руки Его, зане десницею покрыл праведника и
мышцею Своею защитил его, нам же
благословил ублажать тя сие:
Радуйся, яко заповедей Господних делатель
непостыдный;
Радуйся, добрый источник подаяния.

Радуйся, идола сребролюбия сокрушивый;
Радуйся, к богатству Небесному взор умный
устремивый.

Радуйся, пременивый тленная в Небесная;

Радуйся, сеятелю добрый благочестия.

Радуйся, милости кладязю неисчерпаемый;

Радуйся, яко вся раздая, да Христа
приобрещаши.

Радуйся, милостиве Филарете, праведный
угоднице Христов.

Кондак 7

Хотящу императору Константину

Порфирородному обрести жену, мать его Ирина
направила еси во вся концы страны послы, дабы
привести достойнейших девиц, из коих
надлежит выбрать невесту. Послы же в дом
Филаретов внидя и обрета внуку его, Марию,
кротку и благолепну, представили еси ю пред
царя. Узрев же кою, зело возлюбил еси ю царь и
обручил еси себе, благодаря Бога за милость Его
и восклицая Ему: Аллилуйя.

Икос 7

Новую показа стезю подвига твоего, Господь,
явив милость внуке твоей Марии, тебе же вновь
даровал еси богатство и славу. Но славу
Небесную возжелав вместо земной, повелел еси
семье своей сотворить пир велий для царя и

вельмож его. На пир же в дом свой собрал еси множество нищих, больных и убогих. Сам выйдя навстречу им, приял еси радушно, с семейством своим служа Царю Небесному рекшему: Понеже сотвористе единому сих братьев моих меньших, мне сотвористе. Убогия гости твои, видя смирение твое, умиленно пели ти:

Радуйся, елей милости изливающий;

Радуйся, на трапезу, Царя Небесного призывающий.

Радуйся, идолу благополучия земнаго не поклонивыйся;

Радуйся, Царя Христа со слугами Его, нищими и убогими, приявый.

Радуйся, яко предрекл еси от Бога воздаяние благотворения твоего;

Радуйся, покрове милосердия убогим.

Радуйся, блаженство милостию стяжавый;

Радуйся, Христу смиренно послуживый.

Радуйся, милостиве Филарете, праведный угодниче Христов.

Кондак 8

Странно твое возвышение неведущим милосердие Господа, ты же глаголы мудрости, отче святой, приял еси во глубину души твоея, Соломону рекшему: "праведникам воздается добром" и "венец мудрых богатство их", тем же восприял еси благая в животе твоём, быв

сродник царев славный и богатый, сего ради от благаго сокровища сердца твоего благия плоды изнесл еси, нам, предстательством твоим пред Господом, благодать подаеши Ему же поя:
Аллилуйя.

Икос 8

Весь бе в служении подвизался, страждущим и нуждающимся подавая требуемое. Делы всяческими показал еси, яко истинную к Богу и ближнему стяжал еси любовь, наипаче же явил еси сие милость подавая нищим. Но и лжива богача, в рубище рядившагося для преумножения богатства своего, наказуя смирял. Впредь же ларцы три изготовить повелев, вложил еси туда медь, серебро и золото, дабы подавая каждому потребное, чрез руку свою, творити лишь Волю Божию. Все же, дивяшеся мудрости твоей, воспеша ти:

Радуйся, яко милостию милость стяжал еси;

Радуйся, яко сребролюбивого лжеца укорил еси.

Радуйся, скорый помощниче призывающим тя в нужде православным;

Радуйся, яко сокровище доброе есть убогим.

Радуйся, нищих скорое услышание;

Радуйся, яко был во утешение душ о нищих промышление.

Радуйся, милость подражая Бога любощедрого;

Радуйся, блаженством Евангельским, яко

багряницею одеявся.

Радуйся, милостиве Филарете, праведный
угодниче Христов.

Кондак 9

Всякое подавая даяние, не от человек ища славы и
светлости превременного достоинства. Но в
тебе, праведне Филарете, воистину Христос
прославился, враг же искушая тебя постыдился.
Сего ради и Божественного блаженства
праведно сподобился, ибо: блажени милостивии, -
глаголет милостивый Избавитель, Ему же пение
подобает: Аллилуйя.

Икос 9

Ветия недоуменным языком и устнами хвалу
приносят твоему, Филарете, житию
Богopodobражательному, егда благосострадательен
явился нищим и нуждающимся, сего ради
звание, деянию сродное, у всех носиши верно
чтущих тя. Тем же и Податель всех благ велиею
милостию и славно прослави тя и дарова ти
сердце чисто непрестанно славящее
неизреченныя милости Божия. Мы же усты и
сердцем поем ти:

Радуйся, отягощенным нищетою утешитель
явивыйся;

Радуйся, страннолюбием Аврааму
уподобивыйся.

Радуйся, голодных питателю;
Радуйся, бездомных сирот благодетелю.
Радуйся, светлая милостивых славо;
Радуйся, неизбывных милостей Господних
источниче.

Радуйся, покровителю благотруждающихся;
Радуйся, утешение всех требующих твоея
помощи.

Радуйся, милостиве Филарете, праведный
угодниче Христов.

Кондак 10

Спасти хотя падшаго человека, взыде Спаситель
на Крест, дабы смертию Своею умертвить
смерть. Ты же, праведный отче, всегда житием
своим Христу подражая, уподобися Ему и по
смерти, ибо мира не оставил еси милостию
своею, но на Небеси у престола Царя Небесного -
Христа Бога нашего предстоиши молящися за
вся православныя христианы, а мы на земли
воспеваем Его: Аллилуйя.

Икос 10

Стена еси и прибежище Господь, творящим
Волю святую Его, призрел еси на тя, честный
отче, яко на кроткаго, смиреннаго, слушавшаго
словес Его и извести тя о близкой кончине
твоей. Ты же смиренно и радостно уготовася
отойти к Царю Небесному, благословив чада и

внуки твоя. Почившаго тя, не безобразила смерть, но яко отблеск Небеснаго блаженства сияла еси в чертах лика неизъяснимая лепота, в нас вселяющая упование и подвизающая пети ти сицевая:

Радуйся, известование о близкой кончине твоей от Господа получивый;

Радуйся, во отечестве Небесное со славою восшедый.

Радуйся, у престола Царя Небеснаго о нас предстоящий;

Радуйся, во отшествии твоём нас не оставляющий.

Радуйся, яко ныне в Небесных кровех водворяешься;

Радуйся, во успении честном, радости вечныя сподобляешься.

Радуйся, яко прелестию мира сего не уязвился;

Радуйся, яко сокровиществовал сокровище некрадомое.

Радуйся, милостиве Филарете, праведный угодниче Христов.

Кондак 11

Пение всеумиленное потрясе весь

Константиград. Отложив житейскую суету, яко мравия стекахуся народи во обитель иде же сам, еще жив сый, избра себе место погребения.

Множество не токмо богатых и сильных прииде

ко гробу твоему, но и убогих и нищих храмлюще и ползающе, до небес слезный вопль и рыдание испущаху, почившаго земнаго благодетеля потерявше. Мы же, Небеснаго обретше, благодарим Бога: Аллилуйя.

Икос 11

Светозарный луч еси, отче Филарете, от Солнца правды – Христа Бога источаемый, сам многия чудесы и исцеления ныне подаеши требующим твоя помощи, яко прежде щедрою рукою раздавал милостыню. Источник чудес всем, притекающим к тебе с верою, рака священная, идеже лежат святыя твоя мощи подающия одержимым – от бесов свобождение, слепым – прозрение, нагим – одеяние, нищим – подаяние, скорбящим – утешение, кающимся – милование, унывающим – упование, страждущим – терпение и всякому его потребное. Мы же тя благодаряще, радостно призываем:

Радуйся, слепых просветителю;

Радуйся, бесов прогонителю.

Радуйся, всем чтущим тя, благих подателю;

Радуйся, теплый о нас пред Богом предстателю.

Радуйся, яко нищеты мрачный облак разгоняеши;

Радуйся, яко честно призывающим тя помогаеши.

Радуйся, яко по преставлении честном

исцеления немощным даруеши;
Радуйся, яко благ временных и вечных усердно ходатайствуеши.
Радуйся, милостиве Филарете, праведный угодниче Христов.

Кондак 12

Благодать Свою и силу яви Господь чрез святых
мощи твоя, чудеса прославляя кончину твою: пр
Икосновением бо гробу твоему прогоняется
демон, стужаяй от рождения нищему
Кавококосу, всегда тобою милуемому,
сострадательне, он же стрясеся, ста и бысть
человек здоров, славя Бога: Аллилуйя.

Икос 12

Поюще твое невозбранное восшествие в
Царствие Небесное, выну предстоиши Седящему
на высоких, моля спастися от всякого зла
совершающим и любовь чтущим святую
память твою. Ангел же Господень свидетельство
о тебе приносит, иже премногою своею к нищим
любовию и милостынею, честным же и чистым
своим житием, бысть второй Авраам, и в рай
водворяешься в сонме нищих и убогих
белообразных сущих и тии друг друга угнетаху,
хотяще кийждо ближе к тебе приступити, и
пояху:

Радуйся, горняго мира обитателю блаженный;
Радуйся, Небесных благ стяжавый.

Радуйся, яко щедротами и дарми от Господа
обогативыйся;

Радуйся, тем же нищету нашу ущедривый.

Радуйся, яко о молящихся ти, тепло молишися.

Радуйся, славне, яко воздаянием жития твоего
наслаждаешися.

Радуйся, Духа Святаго жилище святое;

Радуйся, ангельских сил Небесных собеседниче.

Радуйся, милостиве Филарете, праведный
угодниче Христов.

Кондак 13

О, блаженне отче Филарете, прими от нас, яко
достойную, сию песнь малобденную и моли по
многому твоему к Богу дерзновению, долгов
оставление, согрешением разрешение,
избавление мрака страстей и всяких напастей
жития и улучити с тобою радости нескончаемыя
пети Богу: Аллилуйя, аллилуйя, аллилуйя.

Молитва

О, святыи праведниче Филарете, милостию
своею милостивому Господу угодивый!

Еще в земном житии твоём всяк приходящ к
тебе, никтоже тощ отыде, но всякому по
прошению его подававый, ныне нас милостию

твоею не оставляеши. К тебе, припадая молимся, теплым предстательством умоли в Троице славимаго Бога, ниспослати нам богатия Своя милости и даровати нам вся яже к пользе и спасению прошения. И подати печальным утешение, недугующим исцеление, нагим одеяние, голодным пропитание, нищим подаяние, труждающимся воздаяние, а паче сих всем нам ко благому наставление, грехов отпущение и по смерти нашей на Небеса непреткновенное восхождение. Дабы тамо купно с тобою возносить всяческую славу, честь и поклонение Отцу и Сыну и Святому Духу всегда, ныне и присно и во веки веков. Аминь.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

I

**Норве
* Небо**